

十朝东华录

乾隆朝

第六
卷
七
册

乾隆三十四年己丑春正月丙戌免雲南官兵所過地方及永昌等三府州本年額賦其非經過地方免十分之五並免湖北湖南貴州三省官兵經過處所本年額賦十分之三○丁亥命署副都御史傅顯護軍統領烏三泰往雲南軍營監造兵船○戊子命河南光州等七州縣平糶○庚寅諭軍機大臣等緬匪乃最爾蠻夷朕原無意取該土地因近年輒敢越境騷擾邊境始不得已派委兵弁辦理朕意緬匪本無知蠢愚憐其威悔罪傾心投誠尚可加恩曲宥撤兵停剿今及年餘緬匪雖曾投款並未遣其大頭人前來且書詞多不恭順阿里衮阿桂去歲屢次遣兵殺其卡座擒其活口並未深入其境痛加懲創是以特遣傅恆前往總理其事阿里衮阿桂均係副將軍而阿桂任兼總督未免分心即同阿里衮辦事亦屬掣肘著卸去總督與阿里衮同心協助傅恆辦理進兵事宜委軍機章京舒斌齎送副將軍印二顆前往伊等接受後惟辦軍營事務再將營兵基層無用除前調索倫兵二千名外再調索倫吉林兵各一千名遣往著該副將軍等即將所謂湖廣等省綠營兵多為裁撤並將此際應備辦有妥為備辦○辛卯諭據鄂爾參奏臺灣總兵王魏於賊匪黃教暨族焚殺一案措置乖張畏葸退縮且心存諱飾屢次捏報僅將守備劉國樞揭參希圖卸罪請旨擊解質審等語王魏前已降旨革職著即擊解來京交軍機大臣嚴審定擬具奏守備劉國樞等有應行質訊之處並著鄂爾參委委員一併押解來京聽候審訊○賞吉林索倫兵所過地方直隸河南湖北湖南貴州銀各十萬兩○以明德為雲貴總督喀爾阿為雲南巡撫○壬辰諭軍機大臣等據阿里衮阿桂奏稱海蘭察瑪格等帶領官兵馳赴南底壩侍衛官兵三百餘名馬匹俱已疲乏因擇官兵馬匹較健者二百名率領擒拏設卡賊匪徑襲夏鳩村莊將其三大村莊屋宇悉行焚毀官兵放箭截殺有中箭死者有情急投江者有競渡登舟丹覆落水淹斃者約計不下千名對岸雖有賊匪二千餘名設立壘寨但我兵太少又無船隻因整旅而回等語我兵二百餘名剿戮賊匪千餘海蘭察等因人少無船而同圍合機宜然此不過賊匪展放之卡並未直逼賊境烏足使其懾服至所稱行至南底壩馬匹俱已疲乏殊堪駭異彼處之馬皆係發往餵養年餘且阿里衮等復係擇其壯者帶往何以行走五六日即形疲乏看來伊等不願進兵因故將馬力不及之處稍帶聲敘以豫為之地耳今甫行五六日即至疲乏秋間進兵止行五六日而已乎彼時將復何以處之此事所關非輕阿里衮從前豈竟未嘗籌辦著傳諭阿里衮阿桂將馬匹何以疲乏若此或南方果係馬匹不宜或餵養官兵辦理不善之處據實明白回奏如謂朕有旨申飭稍存掩飾致貽誤事體之後恐伊等不能當此重罪又據奏稱阿里衮於九月間親赴龍陵等處關隘指定設卡地方安設兵丁完畢十一月間官兵始陸續到齊等語朕遣伊等原為剿賊並非令其防賊設卡等事皆須阿里衮親赴辦理是非剿賊特防賊之侵擾也阿里衮不識事體輕重徒勞跋涉以致就延時日若然今秋策將安出進兵乎或防守地方乎彼能保賊匪不來乎此事伊等計算如何了結之處著據實奏聞○命撥通倉米二十萬石補直隸霸州等十二州縣賑糶○丁酉命兩廣總督李侍堯多購阿魏解送雲南軍營辟瘴○庚子諭大學士忠勇

公傳恆前往雲南經略軍務今擇於二月二十一起程所有應行事宜各衙門察例辦理○辛丑以官保署戶部尚書○裁甯夏滿城右翼副都統員缺○裁拉林副都統員缺歸阿勒楚喀副都統轄○癸卯諭吏部彙奏三年內各省甄別俸滿教職佐雜及隨時甄別各員一摺統覈數目雖多寡不等然皆尚有休致斥革之員惟雲南省及河東總河二處統計三年內休致僅各一員在雲南適屬承辦兵差之時至河東佐雜額缺多至八九十員統覈在任已及年餘理應悉心激汰何至甄別竟無一人明係膜視察吏姑容瞻徇稽瑣著交部嚴加議處○賜經略大學士公傳恆御用盃甲各一○丁未禁通州私立米局○戊申以刑部尚書官保協辦大學士○已酉諭軍機大臣等鄂爾奏臺匪情形一摺吳必達全不實力督辦甚屬非是吳必達帶兵渡海之初頗似勇往乃一至臺灣竟爾安坐都城並不親往剿賊提督爲總統大員豈有不身歷行間親爲調度之理况前此因王魏種種貽誤是以令吳必達前往冀其能妥協經理今該提仍復倖於親身臨陣甯不有鑒於王魏覆轍耶且賊匪僅二三百人而前後所調官兵多至數十倍何難併力剋期剿捕乃遷延時日至今毫無措置是吳必達之不知緩急機宜已可槩見即如摺內所稱劍門坑山徑陡絕僅容一人出入賊匪據險自守等語其地本非賊匪巢穴特因官兵追捕避匿其中斷不能豫積糧食即果路官難行賊徒恃以固豈能不出掠口食在內久聚縱官兵未能奮勇深入獨不能扼其要害使羣賊窘迫就縛乎若賊眾雖據此險別有開道覓糧延抗又何難訪其路徑履背夾攻賊難狡黠又將何往乎且山徑即屬險峻並非人迹不到之所賊匪能往官兵又何獨不能若賊眾出沒之處官兵竟不能追蹙其蹤尙復成何營伍而營中又何必留此庸懦無能之人至於審理匪案交余文儀專辦吳必達責在統兵剿賊又豈可以在部會審爲詞吳必達平時似覺明練乃辦此數百賊眾竟因循若此則其所謂曉事亦不過全工口給毫無實濟矣吳必達著傳旨申飭仍令將因何不行親剿及捕賊遲緩各緣由明白回奏吳必達既不肯兵剿賊在彼亦屬無用轉恐掣肘相德之肘今予之一月之限若一月內果能親身督獲正犯則聽其在臺督緝若自度不能不可久延吳必達著即回伊木任候旨葉相德尙知認真出力所有剿捕賊匪一事即交其專辦前會降旨令其帶領水師二千前往雲南此時爲期尙早著葉相德即上緊統兵剿擒黃教等首夥各犯務期剋日竣事再行赴滇其應派水師前諭葉相德就各營內挑選今伊同至內地尙須時日即著葉相德如數挑取熟練得力水師分派將弁陸續管領先行發往滇省葉相德隨後起程亦無不可著應隨番辦建甯案件要犯業已就獲亦可速爲審結即赴廈門駐紮以資調度鄂爾亦即回省城辦理諸事所有臺灣剿獲賊匪情形應隨一得有該處稟報隨即迅速具奏將此並諭葉相德知之○壬子諭朕於二月初六日舉行經筵衍聖公孔昭煥見在來京著令其隨班觀禮○癸丑諭據永瑞等奏南掌國王之弟召翁差遣土目蕭栗探聽進兵消息一摺所見因是而於辦理機宜尙未允協已於摺內批諭召翁既爲緬匪拘留五年今忽遣人探問消息其情形原屬可疑但伊所遣下人卽詳加詰訊豈肯盡以真情吐露正無庸過事吹求惟應告以今年調集各路精兵合力進剿目前此取道木邦錫箔一路未協地利今欲改由落卓來卡一路統合大兵前往如南掌

所有提徑可通或較來卡等處爲便原可分兵一支令爾國之兵隨同進發但爾國既志在報仇營賴天朝聲勢爾國自當輸誠款
計官兵萬餘人及隨營馬匹雖所需日用芻糧自行運帶但既經爾國地界一應糧餉鹽料爾等亦須豫爲儲備以資接濟違意
兵斷不驛擾爾地而平價買取亦所必有傳諭之後不妨即將所遣二人發回不必再行羈留儻該國聞信後仍有回稟違論辦理
未瑞等至秋閒進兵時亦可由此路領兵數千率同南掌兵丁會合進剿但須諸事留心防察不得稍爲所愚至於進貢一節直當
告以兩掌案屬恭順屢經入貢如此時果欲進象即當照往例具表覲在所投召翁之桌不便轉奏若另違爾國大頭目齎奉表文
前來即當代爲奏達如此方與事理允協將此傳諭永瑞五福並諭阿里委阿桂知之

二月甲寅朔重修太學

文廟成

御製碑文曰舉江淮河濟以贊海吾知其不知海舉嵩岱恆華以贊地吾知其不知地然則舉

道德仁義以贊孔子者其亦類於是乎夫江淮河濟豈不爲海所納而不足以形海之大然海固不拒江淮河濟以爲水也嵩岱
恆華豈不爲地所載而不足以究地之厚然地固不讓嵩岱恆華以爲土也道德仁義豈不爲孔子所垂而不足以盡孔子之
量然孔子固不外道德仁義以爲教也教之義始見於虞書而未有定所夏校殷序周庠學則三代共之是國學所昉乎夫三代
既有學亦必有教而吾以爲孔子立道德仁義之教者何蓋三代以前之教非孔子不明三代以後之教非孔子不立亦猶

江淮河濟非海不納嵩岱恆華非土不載道德仁義非孔子不垂也國學始於元太祖置宣聖廟於燕京由元及明代有損益
修葺至本朝而崇奉規模爲大備列聖石文臨雍必事輪奐乾隆戊午朕詣學展先詔易蓋黃瓦肆昭茂典然丹雘雖致飾壯

觀而上棟下宇風雨燥溼歷年既久侵蝕是虞爰以歲丁亥發帑二十餘萬特簡重臣司其事越己丑仲春告厥工朕親釋奠以落
成焉先是言臣有以乘此時修復辟雍圖水之制爲諸禮官以爲三代之制弗相沿襲實政不必泥古朕以其言良是遂從之門

殿諸額一準會典皆親書各懸於其所舉大工者必勒碑以誌故敘其事書之若夫述孔子之言仍以頌孔子是猶繪日月星
辰以象天朕有所不能○吏部議奏工部尚書格齊於前任河東總河任內膜視察吏應照例降調得旨格齊著降三級調用

○以程景伊爲工部尚書

由吏部左侍郎遷

○丁巳釋奠先師孔子○己未上御經筵○論朕幾餘不自暇逸典學之下時及臨池發

昔韓石渠所藏前人墨蹟刻爲三希堂墨妙軒一帖廣示藝林復念古帖流傳可補墨蹟所未備者惟宋淳化閣帖镌集尤爲美富
遶出大觀太清樓諸本之上但惜初搨與賜者絕影或云版尋殘損當時已爲難得後來翻刻愈繁真意浸失有怠遺摹者末由津

逮內府舊藏潛化閣帖極多而畢士安所得賜本最精好茲特敕選工鈎摹上石冀復舊觀第王著昧於辨別其所排類標題舛
陋滋甚不當聽其沿譌以誤後學因命于敏中等詳加考正以次呈閱朕鑒定分藏各卷並命苑探諸家釋文依字旁注其互異
者折衷附記於後以資省覽是於考文稽古之中兼寓舉世訂譌之益用嘉惠海內操觚之士焉○辛酉論歸化城關務歸山西巡

撫韓○乙丑諭向來皇子等乘馬俱用金黃轡皇孫等俱用紫轡近有因在大內養育與皇子等一體用金黃轡者微覺過分乃又

有因分府居外遂用監色者亦與體制不合宜酌定章程以示區別嗣後皇子等乘馬俱著用金黃轡皇孫等未經朕賞用金黃轡者俱著一體用紫轡皇曾孫元孫等亦著一體用紫色其鞍座各按轡色絲線解恩俱係長壽著加恩仍賞用金黃轡示遠為例著交上駟院內務府總管衙門存案遵行○諭馮鈴題參太和縣知縣郭世誼蕩檢不職該管之湖州府知府史魯瑄縱庇劣員一疏已降旨將郭世誼史魯瑄革職交該督確審究擬矣史魯瑄身為方面大員乃令族叔在所屬署中作幕是其上下通同逢迎挾制諸弊皆所不免此等惡風斷不可不嚴加儆治該撫馮鈴平日豈毫無聞見何竟不早為查參直待史魯瑄告病詳請解任以後始以劾參塞責外首徇庇屬員陋習每遇劣蹟彰著尙欲為之設法瓦全即或知其事萬難掩覆不得已始以一挂彈章藉名整飭而其實不過隱售化大為小化有為無之術此種伎倆豈能施之朕前馮鈴近以湖南城工案內不將屬員通融情弊參劾蒙混題銷經部議以降調朕因馮鈴平日辦事尙屬認真特加恩曲貸仍予留任乃辦理此案有意取巧故於事後糾彈冀掩其前此和之咎此而不加以嚴懲則督撫等益以膜視察吏為得計誰復知所儆畏馮鈴著交部嚴加議處又諭馮鈴見在交部嚴加議處著解任聽候部議所有安徽巡撫員缺著富尼漢補授富尼漢未到任之前其巡撫印務著陳輝祖暫行護理○丙寅諭陣亡人員廢雲騎尉襲次先後仍賞給恩騎尉世襲罔替不准過繼之子承襲著為例○以德承為工部右侍郎由奉天府○王申賜經略大學士布政使調雷暢為山西按察使以徐績為山東按察使○己巳以耀海為盛京禮部侍郎由奉天府○王申賜經略大學士公傅恆及隨征將士等宴○癸酉轉何逢愷為吏部左侍郎以羅源漢為吏部右侍郎○甲戌實授索琳戶部右侍郎○以黃登賢為倉場侍郎由吏部○辛巳命江蘇上年被水各州縣平糶○壬午弛洋船帶硫磺入口禁

三月乙酉命伊犁將軍伊勒圖帶索倫兵往雲南軍營賞銀千兩○丁亥上親耕藉田○戊子軍機大臣等議副將軍阿里衮等辦理馬匹不善應革職得旨阿里衮阿桂明德著從寬各留本任看其如何出力俟軍機告竣再降諭旨○己丑諭軍機大臣等昨據長卿奏會將黔省地方事務應否移交之處剴商新任督臣明德覆稱恭膺制篆與兼將軍者不同一切應照舊例辦理等語此非明德欲急公辦事不過欲辦總督之事而卸軍務之責耳試思軍儲要務與尋常雲貴總督之事孰繁孰簡孰重孰輕正欲傳旨申飭今日據明德奏到各摺則荒唐之處更多明德向來尙屬能事何以近日頓不如前殊不可解已於摺內詳細批抹矣如所稱軍需一切奏銷例應撫臣主察等語其意竟欲以奏銷重務專讓之於新任巡撫喀爾阿而彼直如置身局外試問明德由滇撫升授總督屢降諭旨令其專心督辦軍儲自去年至今一切皆其經手將來銷算軍需非彼之責而誰責乃轉以不敢歧視為詞藉為後日推卸地步是誠何心明德向隨黃廷桂辦事豈竟懵然毫不記憶黃廷桂當日承辦西陲軍務何等盡心伊竟全然不思效法向有何顏面見黃廷桂於地下乎又另摺內稱上年霜降後京兵前赴沿邊防守其語更屬悖謬殊出情理之外去年調集京兵赴滇原為征剿緬匪之用因諸事尙須從長籌備是以暫停進剿並非為沿邊防守計且緬匪聚於抗拒天朝不可不整師剿滅以存

國體實有難於中止之勢凡人心者宜無不共知以我堂堂大清時當全盛集中國之力何事不可為何憚此么磨種賊而調入旗勁旅遠赴防邊乃明德竟視顏作此等語恬不為怪不但毫無羞恥即天良亦漸滅殆盡矣至於馬匹一項尤為軍行第一要務滇省見存馬匹餒殍已及一年而海蘭察等所騎之馬甫五六日即已疲乏不堪是伊等全然不以為事深可痛恨今尚如恩將伊等從寬留任以觀後效此時各省採辦解演馬騾幾及五萬餘以資秋間進剿之用伊等若尚知畏懼痛自悔悟即上緊加意飼餒令其一律騰壯以利軍行或可稍贖前愆今聞明德所奏惟以派令提鎮大員督率經理便欲丁其餒馬之責竟不議及如何實力籌畫親身董察不致虛糜貽誤如此重務僅責之數提鎮則朕委任總督何為至述朕旨阿里衮阿桂不得推諉於彼之語為自行解免張本獨不思阿里衮阿桂不可諉之明德明德又可諉之彼二人乎總之此事固明德專責萬無可諉即阿里衮阿桂又豈能輒思却擔儼仍彼此觀望不知協力同心籌辦妥協豈能逃朕洞鑒伊等即不能為身家性命計獨不為其子孫計乎此次嚴切訓諭之後今秋應用馬匹若有疲乏貽誤之處伊等三人即不必復思見朕矣明德著傳旨嚴行申飭並令阿里衮阿桂一體懍遵並諭經略大學士公傅恆知之○以明善為內閣學士_{由給事中}檄廣為左副都御史_{降調工部尚書}○庚寅 上啓聖幸湯山○癸巳 上幸盤山○乙未以富勒渾為浙江布政使富松為廣東按察使_{由南寧}○戊戌 上回鑾○庚子 上遷京師○乙巳諭吏部議處前任直隸按察使裴宗錫誤給驛站車馬照例議以降調並照該督原咨將自行查出檢舉之處聲明雙請內閣羈疑亦用雙籤今持依補官日降用一籤批發其故不可不明示中外直隸臬司管理通省驛站偶有一二誤應之處原屬無心公過而裴宗錫經朕由府道用至臬司觀其為人頗可造就尙欲再加遷擢數年來因其母已年老相依官署難於迎養他往是以久留不調今丁憂離任朕之於大小官吏凡遇公過處分多有留任者眾應知之今聞此本則由楊廷璋據按察使呈稱准裴宗錫移咨此明係周元理到任後查出錯誤令裴宗錫補行此文移為周旋僚友之地而楊廷璋亦附和聲明雙請安得謂裴宗錫自行檢舉耶外省官官相護積習最為不堪朕方欲力為整頓豈肯令如此蒙混乎此等尋常公錯若據事直敘在他人尚不至於實降况裴宗錫為朕所深知又何必為之顧慮而令其作此趨避是裴宗錫之降實因楊廷璋周元理等瞻顧使然所謂愛之適以害之也今為明白宣諭使內外臣工知朕批閱章疏雖細微節目亦不忽略即裴宗錫知此獲譴之由亦必心服而感悔也至周元理委曲敘詳楊廷璋據詳咨部均屬非是俱著交部議處並將此通諭知之○丙午諭彰寶見在丁憂江蘇巡撫員缺緊要一時不得其人明德自擢任雲貴總督以來辦理諸務皆不及從前實力奮勉而於餒養馬匹一事尤漫無經理因循誤公豈宜令其仍為總督即留滇省亦於公事無益姑念伊前在江蘇於地方情形尚屬熟悉著即降補江蘇巡撫以勵後效明德未到任之先巡撫印務著高晉即速前往蘇州兼管其雲貴總督員缺仍著阿桂暫行署理○丁未諭察哈爾侍衛往查牧場水草與章京等兼覈馬匹著為例○壬子諭軍機大臣等雲貴總督員缺見已降旨令阿桂暫行署理將來進剿時阿桂尙須帶兵前往總督承辦軍需諸務最關緊要且彼時或尙有

須分路統兵之事必得幹練之人方克勝任因思阿思哈前在烏里雅蘇台辦事一切軍行事宜曾經閱歷且其人向曉事亦肯賣心出力即欲用為雲貴總督其河南巡撫員缺令喀爾阿調補雲南巡撫員缺令彭寶前往署理均俟臨時再降明旨見在官兵經過河南正須籌辦阿思哈俟官兵全過豫境即速馳驛兼程前赴永昌任事所有滇省應辦事務及進兵機宜已節次詳諭經略大學士傅恆阿思哈問之傅恆即可遵照辦理不必來京請訓計阿思哈起身時總河吳嗣爵當至河南防派可將巡撫印務傳旨交吳嗣爵暫署以待喀爾阿如吳嗣爵尚未到豫阿思哈即寄信吳嗣爵令其速至河南接辦阿思哈至期將此傳諭吳嗣爵不必更候明旨至彭寶百日服滿即令馳驛前往雲南彭寶至雲南然後令喀爾阿來豫見今普洱一路唯永瑞五福在彼二人皆糊塗不堪不能獨當一面見諭傳恆於阿里亥阿桂伊勒圖及阿思哈四人內酌調一人前赴普洱督辦帶兵進剿阿思哈若應派往即將雲貴總督印務交彭寶兼署令到永昌接應軍營諸務將此先行傳諭阿思哈知之○荊州將軍永瑞雲南提督五福奏報宣慰司刁維屏探得召散在夏蚌地方與召綱相攻未決查夏蚌距孟良四十里此時若取孟良道路開通於秋間進兵深為有益臣等擬即會同副都統雅耶阿總兵永平帶兵往剿得旨爾等此事可嘉但爾等斷未必能勇往辦理

夏四月丁巳以王真望為山東按察使山東巡撫○已未諭鄂爾前在雲貴總督任內辦理軍務俱未妥協是以降補福建巡撫以勵後效昨聞戶部撤地方去年有被緝匪滋擾之事令阿里亥等查奏今據奏到則上年二月因額勒登額退兵繞道潛行致尾隨之賊竄入戶部撤掠滋事經副將王振元等稟報鄂爾將此等情形竟敢匿不上聞希圖隱瞞了事其獲罪甚重豈可復任封疆

鄂爾著革職賞給三等侍衛銜發往雲南軍營自備資斧效力贖罪此係朕格外加恩鄂爾若向不知感悔實力奮勉報效必當重治其罪所有福建巡撫員缺著溫福補授溫福未到任之先著應照尋常議處轉令其脫身事外無以示儆吳必達辦理黃教一案並不親督弁兵上緊剿捕首犯迭巡玩誤殊負委任若竟撤回內地僅照尋常議處轉令其脫身事外無以示儆吳必達辦理黃教一案

督降補臺灣鎮總兵仍革職留任責令剋期擒獲賊匪以觀後效如再不知奮勉即重治其罪所有福建提督員缺即著葉相德補授馳驛前赴雲南軍營辦事其提督印移著崔應階於所屬總兵內酌選一員奏明署理○傳伍奏三月二十四日已抵雲南詢問緝匪情形事恃木棚抗拒我師向來用尋常槍礮攻取無濟於事臣訪聞茂隆廠一帶育善道大噶之人將來進兵時兵弁各帶銅鐵一斤遇攻棚時隨地暗鑄大噶出其不意自可立破賊寨用過後仍可鎔化攜帶批果破一二大寨亦自如破竹之勢賊望風而散矣又奏臣人滇境後早麥登場晚麥結穗雨水雖不甚霑足旬日內得沛甘霖尚不甚遲得旨京師雨澤係從來未有之霑足即

今每日作陰甚有雨意為此略慰而思及軍營則實總念不快也○壬戌上問健銳營兵○丁卯諭軍機大臣等據永瑞五福奏稱伊等帶兵二千中普洱起程前至小猛養因通事沈聯奎告稱召綱與召散接戰召散退守孟良城召綱不能攻取退兵至大猛養土練悉同猛混永瑞等是以由小猛養回至思茅等語召散係逃往緬地滋事要犯前永瑞等奏帶兵由普洱前進朕即恐其辦

理不能決斷故降旨令其務獲方免罪譴伊等未接諭旨以前已經進兵至小猛養又得召散下落自當乘機進取即伊占據孟良尤應及時擒獲乃永瑞等並未進兵反藉稱外夷言不可信道路不通將兵回至思亭甚屬庸懦無能可恨之至著將永瑞五福革職賞給三等侍衛銜自備資斧效力贖罪並傳諭經略傅恆將伊等調至永昌委用又據永瑞五福奏稱前移付南掌諭文該國深知欣感但該國裝束原類緬夷應造給號衣以便識認等語永瑞等前此何以不行奏聞及降旨詢問尚稱外夷言詞不可輕奏實不可解看南掌如此情形自是誠心助順乘此由落卓進兵會同南掌進攻以分賊勢於正路大兵亦有裨益前經朕降旨於阿思哈伊勒圖二人內派一人督兵由此路前進備一人不能周備可令傳諭傅恆協同前往並著傅恆熱籌落卓進兵之處一面奏聞一面妥辦再永瑞等此奏傳恆雖經路過以為尋常事件並未拆閱故未行夾片將此詳悉傳諭傅恆令其遵辦○諭據傅恆奏稱賊酋苗溫率賊五百尋覓線窰圍前至毗連我界孟戛地方經侍衛克車德已調等率滿兵百餘奮勇攻擊斬首二百餘級生擒賊匪四名獲馬匹器械無算等語克車德等甚屬奮勉經略傅恆甫經到彼即得此捷音可謂順利但克車德等若再奮力前進擒獲苗溫則愈善矣茲既退回且休養兵力俟進兵時再悉心籌辦其隨從克車德等前往官兵著照傅恆所奏分別獎勵至奏請停止調派猛密雜谷瓦寺兵丁之處似應另有專摺乃反復詳閱即敘於陳奏苗溫摺內甚屬含糊可傳諭傅恆再繕摺時務須明晰○戊辰諭御史孟邵條奏請定翰林編檢額缺一摺所見不知事理向來所以不限定額者因庶吉士散館之後編檢人員自必較多中間遇有考試升降其數亦無壅滯之患即如該御史所奏定以額缺而所餘各員仍令額外學習候補是有限制之名仍無限制之實至所稱編檢聽其去來不足以昭慎重等語不知伊等遇有告假等事資俸例應扣除不能越次遷轉儻其間有以領俸前後巧為趨避者自有定例本難趨避即令有一二見小不惜顏面之徒亦將為士林所不齒國家又何必屑屑為之防禁耶另摺所奏佐雜印信嚴禁私雕一事佐雜等官卑人冗所用止係鈐記若悉令由部頒發事體尤屬紛煩朕意莫若交與各省督撫於省會地方定一鐫刻鋪戶如官代書之類令佐雜等報明上司將應用鈐記即就官鋪鐫刻但不許懸挂包刻門牌以除陋習其餘市肆一禁不准私雕已足備稽查而昭信守於事理庶為允協該部即遵諭行○辛未諭軍機大臣等昨據傅恆等奏稱疊暑以北野人山頂可得造船木料已令傅顯帶兵一二千名前往修造等語此項兵丁必須滿漢兼派方妥彼處修造船隻若野人稍不恭順即應立時剿辦此等野人不可深信恐其伴為恭順陰通緬夷務宜留心籌度再前經降旨著烏三泰在落卓一路進兵已調伊為成都副都統今傳恆復派令造船則落卓一路須另派一幹練領隊大臣至造船一事朕微夜思之所關甚要觀所進地圖野人山西北即係賊人巢穴相距甚近僱野人陰通緬匪來侵有誤船工大有關係必須重兵駐守方可無虞計今歲於七八月間進兵此山既距進兵路近瘴氣亦輕莫若移兵屯紮於此以為聲援九月間想船隻亦可造竣矣如此辦理若何可傳諭傅恆令其察看地勢相度事機熟籌妥議具奏此事甚要朕時慮念也○壬申諭軍機大臣等傳恆等奏此次大兵由夏鳩水陸並進務須全據江面兩

岸其江東猛密地方尤爲緊要得此處可壯夏鳩一路軍威亦可震驚阿瓦至普洱落卓等處尙不甚要請將普洱滿漢兵內調取三四千名會同索倫兵二三千名直取猛密普洱一帶酌留荊州成都滿兵二千名令永瑞沿途屯紮以爲疑兵等語永瑞等始終辦理不善嗣因疏縱召散業經革職傳恆未知故有此奏落卓等處既不甚要止須酌派一人督兵以張聲勢兩掌雖領請助順我天朝亦斷不藉外夷兵力致討惟猛密最要即派阿桂統兵前進傳恆進兵老官屯尤爲緊要著於阿里衣伊勒圖阿思哈三人內酌留一人統兵在老官屯防守將此傳諭傳恆令其遵辦又諭據傳恆等奏稱暫停究辦通賊之漢奸並招致熟識路徑之獵夷以資委用俟大功告成後再行分別賞罰等語所辦甚合機宜前阿里衣阿桂等辦理攻剿之事並未留心慎圖將就了事反恐嚇於人使皆不敢陳訴究竟未獲一人今傳恆甫到卽如此辦理伊等甯不愧乎著傳旨申飭進兵以前內地貿易者何處不至卽由阿瓦行走亦屬常事傳恆卽向此等民人查詢賊匪情形路徑甚是又據奏稱緬匪謀贊供稱二月間因被戶漢人搶奪遂率三百餘人與戶漢打仗順探大兵信息等語戶漢諒係線獲匪土司屬人既能搶劫緬匪其勢尙壯而線獲匪見在何處及可否委用之處可傳諭傳恆令其查辦○諭前以明德饒養馬匹漫無經理是以將伊降補江蘇巡撫其雲貴總督員缺令阿思哈補授見令阿桂暫行署理並將喀爾阿調補河南巡撫彰寶俟百日服滿後前往署理雲南巡撫今據傳恆等奏稱一切軍需皆明德一人經手次第辦有章程恐驟易生手難以遽得端緒請將明德暫留雲南以巡撫銜辦理總督事務等語明德承辦軍需既難驟易生手而饒養馬騾乃其專責若遽令其起程前往蘇州轉得以置身事外爲幸傳恆等所奏亦是著暫署總督俟阿思哈到滇再行交印彼時亦進兵之時馬騾皆付兵丁亦無藉其料理矣彼時明德卽可令其赴江蘇之任不必留俟軍務告竣後俾廟有功之列至於阿思哈彰寶平日尙能辦事滇省正當軍行需人之際多得一二人在彼經理於事更屬有益見已傳諭阿思哈俟官兵全數過潯再行起程計八月內可至永昌尙可不誤進兵之期彰寶六月二十五六卽可自京起身計中秋後亦可抵雲南阿思哈如有須派往他處統兵之事彰寶已到亦可署理總督事務河南巡撫已諭令吳嗣爵暫署喀爾阿俟彰寶到滇後再赴河南新任將此傳諭傳恆等知之應行轉傳者卽轉傳諭旨○傳恆阿里衣阿桂等會奏臣傳恆於四月初八日赴騰越龍陵一帶察看邊隘情形並指示添發馬匹事宜原可卽駐騰越緣永昌爲軍需總匯查辦諸務較便且索倫等兵到滇必須由永昌給馬大駝亦在彼試鑄均須臣親身督辦仍擬往來其間俟一切辦妥再駐騰越臣阿桂前赴迤西一帶將各廠馬匹稽覈餵養臣阿里衣瘡口未合精神尙好卽與督臣明德於附近永昌一帶查辦馬匹事宜務期一律肅壯以濟軍行報聞又會奏敬陳軍營事宜一老官屯爲賊入水陸咽喉今擬於上流蠻暮夏鳩一帶造船進兵時一由蔓旋江西取道猛密登直搗木梳一由水路令福建水師順流而下別遣兵一支在江東猛密地方相機剿殺老官屯腹背夾攻不戰自潰前拘泥避輝九月後進兵緬匪得計期豫防此次應出其不意先進數十三晝來師旋不致遇次年盛瘴更可從容展布一馬匹已由遠及近遞調沿途候養進剿可期騰壯惟分馬時先儘大臣挑用大官

員再次兵丁非鼓勵軍心之道今擬分爲三等贍壯者分給索倫次及別項兵丁大臣官員分例本多再次者均勻搭散一火藥鎗彈照兵丁應得分數給與每致遺失今酌於應得之數十給二三其餘專員運送隨時接濟向來用竹篾木箱裝貯遇雨輒漏且易拋散今酌改用牛皮袋一弓箭非綠營所長此次毋庸佩帶箭枝轉可勻給索倫備用綠營兵飭令多帶鳥槍藤牌刀矛又思短兵相接用斧亦可而攻斫木棚尤爲得力見飭製三斤重斧酌量配帶一見覓善鑄大礮工匠先造礮模並帶銅鐵隨時鑄造應用又多帶礮山五七各礮均能打遠適用至鳥機等礮徒費扛擡不濟實用俱不運帶至綠營鳥槍大半堂空口落止食子藥三養演時多在平地臨陣下擊火未發而子已落見按提水槍法令槍子與槍口照合開有小者將黃土樹葉探塞並新造食子藥四錢鳥槍分給演習一兵將費於相習見交提督哈圖與查明各歸各伍續到之兵亦各按標營統歸一隊卽有添派別省將領者亦必豫期指派一從前進兵意在緬匪其酋從土司不忍樂誅反致尾擾大兵此次除實在歸誠者收其米石牲畜備首鼠兩端卽行剿滅一見在運貯並各處採買之米共九萬餘石合計調集之兵見給兩月口糧約需二萬五六千石所儲尚有贏餘進剿時口內按站關支口外分領裹帶並多備乾糧便於輕齎速進一永昌順甯所屬十四土司荷戈禦賊原非所長此內或有熟悉賊中徑路及與邊外土司相識者亦擬不拘名數酌帶備用其邊外波電養子野人擺夷等如有賣心投順者亦可供嚮導之用以上各條酌舉大端未能豫定者隨時陳奏得旨覽奏欣慰阿里安阿桂豈肯如此用心○癸酉諭崔應階等奏臺灣匪賊黃教被賊夥砍傷竄入諸羅山內至三月二十九日經官兵分路合圍將黃教及匪弟黃芳砍傷擒獲並生擒賊黨七人殺死十三人等語黃教以么膚小竊鼠迹荒山本屬不成事體特因文武員弁於發覺之始不能及時悉力追捕以致遷延數月尙爾稽誅及降旨屢經督策方弋獲是此案身司統領之吳必達等已爲功不掩過無庸交部議敘道員張珽自革職後猶知感奮自效屢經設法追剿此次又擒獲匪首其人尙有天良守備滿大經首先刀砍黃教頗爲奮勇俱著送部引見其餘在事文武員弁及兵丁等有實在出力應行分別獎賞者並著崔應階查明具奏候朕再降諭旨○丁丑諭刑部議覆廣東省何長子袁汚十歲幼女致己母廖氏服毒身死比照婦女與人通姦父母羞忿自盡例擬絞又稱二罪相等從一科斷合依姦十歲以上幼女雖和同強論律擬絞監候一本擬議其屬錯謬何長子之母廖氏因伊子袁汚幼女事敗潛服毒草殞命是該犯罪不可逭全在致母戕生其姦汚幼女一節轉屬罪之輕者該部乃援此爲定罪正條且比照婦女與人通姦父母羞忿自盡之例擬以絞候會不思此例乃指被姦婦女之父母而言與何長子姦人女而致令己母畏懼自斃者情事絕不相象何得謬爲比附况定例過失殺父母者卽應絞決誠以爲子而傷親至死雖事出無心亦不可一息偷生人世若何長子罪案較之過失殺親孰重不待再計而決也明刑所以弼教此等敗倫傷化之徒不使早正刑章則所謂弼教者安在且依經定律其理本屬相通春秋著許世子止之條義例具在特罪其不親嘗藥卽難逃一字之誅刑部堂官中豈無讀書過義者何竟漫不思省而引斷紕繆若此耶設以爲該犯之母已死非命不忍復以其子立與重典此則不明大

義庸愚姑息之見司刑者豈宜以此所有此案定擬失當之刑部堂司各官著交部嚴加議處都察院大理寺向惟隨眾畫諾而退有後言至此等敗倫傷化之事反置而不問則何用其會議乎亦著交部察議此本著發還另行覈擬具奏並將此宣諭中外問刑衙門知之○賜陳初哲等一百五十一人進士及第出身有差○傳恆奏臣抵永昌後即調取從前會往來阿瓦之人細詢緬地情形據騰越州民寸存福云向因貿易由大南金江西一路到過木梳一路平坦自伯烈而西可通車行又該州民李申功曾於三十一年地方官差往戛鳩江西招降拱土司辦理未能妥協查猛拱為江西擺夷內最大土司將來我兵進勦時如傾心歸化即可用為前驅若復觀望渡江後先行勦滅以絕賊人脅從批甚好此在相機得實不可失人心又不可被人賺又奏據湖廣民鄧清安云緬匪所用戰船約長六七丈每邊安槳二十船頭尾安放礮位旁列鳥槍來往甚快我兵欲破阿瓦非十萬人不可查鄧清安不過見綜營兵豈知我率倫等兵一可當百又批雖然如此亦不可輕彼總以持重萬全為要又奏據撫夷李經朝稱麗正官住虎踞關外係相沿管理野人之官既非緬人亦非內地所設加以獎賞即實心出力離正官前曾告知布普喇差來賊目云阿瓦若肯差大頭目來降即當帶至內地賊目覆稱布普喇曾說天朝若差官持文前來就是意在講和可以規內地兵力阿瓦若先差頭目即是自形怯懦斷斷不肯據此則前所稱緬匪不即差大頭目來恐懼傷害各語均係將就完事之人附會其說去歲緬匪遣兵丁投文竟意在講和我 皇上置之不理不與回示仰見先幾獨斷得旨何謂朕見及此此實 天佑大清國也去歲勦政殿所降旨眾所共知也非公忠與朕同心之人誰肯為此說誰敢為此說今將所製詩扇寄去見詩如見朕又奏前被緬匪擄去之遮木夷人賴君逸及民人楊廷秀等五人今俱脫回臣詳悉詢問據賴君選供稱本年正月間緬匪與洞烏起費擄兵發兵八千打仗使實有其事將來進勦時緬匪未免顧彼失此亦可稍分賊勢又稱緬匪因阿瓦城內百姓恐大兵進勦思欲躲避暗令擺夷假作南掌國人賁以安眾心據此則阿瓦惶惑之狀已可想見得旨看來緬匪今年當破此皆彼之惡機而我之善機也○戊寅諭軍機大臣等傳恆奏到各摺已於摺內詳悉批示矣及閱質內供詞稱係戛鳩舊頭目賀洛之子伊父見在野人山居住已有數年未見等語賀洛既係戛鳩頭目必深悉該處情形且夷人情性於舊日頭人最為依戀自當令賀丙至野人地面尋見其父前往戛鳩招諭該處夷人投順自是極好機會但其地有賊目蓋拉機帶兵千名防守當相機於可遣時再行遣去若賀洛即行願往不妨即令前去若夷人果有意投誠即可令其作為內應與我兵合力夾攻賊目自無能抗拒因此而收取戛鳩較為事半功倍要鳩既得則後路聲援相續江西一帶便可長驅直進且控扼老官屯上游於舟師會剿亦殊得濟將此傳諭傳恆妥為辦理○己卯諭嗣後東三省人不必補綠營官著為例○辛巳諭寶傳恆查奏附近永昌騰越各土司內惟南甸路江芒市干崖所屬未遭緬匪蹂躪其猛卯蓋達連放隴川等處前經竄入焚掠戶口周散督撫等竟未奏及此事自劉藻楊應琚等先後措置乖張節節貽誤賊匪遂恃其險遂竟敢抗我額行國體所關實難中止然去歲所以暫停進兵者以緬首或知悔罪乞降猶可貸之寬網乃遲待至一年之久逆酋仍然怙

惡不違一人接之情理斷無可恕因命大學士傳恆前往經略其事於今秋厚集申討以張國威而靖荒服且朕從前所籌慮者沿邊土司與緬賊壤地相接萬一我兵旣撤之後賊或騷擾土司恣其蠶食若因此而令大兵久駐則是以八旗勁旅遠防又屬緬匪成何體制然此不過先事逆料恐其或出於此耳今據傳恆所奏是猛卯等戶口久已被其毒螫則賊匪之不敢侵及騰越永昌邊界者特畏我滿洲兵在彼難以輕犯耳至阿里亥阿桂明德前後到滇於土司切近情形豈竟毫無見聞何緘默不以奏聞使伊等去歲卽令朕知亦可早爲措置矣邊防軍務如此漫不經心阿里亥阿桂明德是何意見著卽明白回奏無識之徒不知此中原委妄疑國家撫全盛之勢準夷回部旣已次第削平何必乘此勝兵誅及炎微茲將土司節次被擾不得不用兵進剿之處宣諭中外知之

五月壬午朔日有食之○乙酉諭軍機大臣等據永瑞等奏安南夷目黃公續等向居南掌猛天寨地方今被黎維禱攻打力不能支率眷屬民人四百餘名懇求內附等語黃公續等原係安南莫氏之後遁匿南掌境內近因黎維禱往攻窘迫求附但安南恭順素著黃公續等旣係該國之人於理不應允納然伊等見當窮蹙來歸如竟拒而不納又非中朝一視同仁之體朕意此時且令曉事道府大員前往撫諭將來投入人等於邊內暫行安置不必告以曾經奏聞如伊等或有不安本分滋生事端者不妨徑行正法示儆至黃公續等或在安南獲罪逃竄外出黎維禱或係該國王差往拘拏俱難懸定見令軍機大臣擬寫文移一道以明德之意蒞同安南國王其中實在緣起若何俟覆到時再作區處庶於事理允協再南掌前有通信夾攻緬匪之請其情本難憑信今黃公續久居該國猛天寨地方其具稟請附或卽係南掌從中設法嘗試亦未可定著傳諭傳恆一併留心體察妥協辦理或喚彼驍事之阮勵求至永昌問以南掌緬匪情形亦可悉知彼中梗槩並將移文稟奏及永瑞原揭供單鈔寄閱看○以實驍爲倉場侍郎部左副都御史
○丁亥諭供鍾上行走宗室覺羅官員等原因祭祀時與侍衛一體執事是以賞戴花翎若奉差外出卽不應戴用乃明善旣派巡道見有解任實訊之事仍然戴翎殊屬非是著卽拔去嗣後供鍾上行走官員凡遇差禁不許戴用花翎同京供職仍准戴用至文職至三品京堂武職至副都統以上不必兼供鍾上行走著爲令○戊子王巍伏法○己丑諭軍機大臣等昨據傳恆奏稱不必由普洱一路進兵等語雲南軍營滿洲索倫兵弁雲集昨又派京兵一千兵力充足應或由普洱或由落卓多進一路以分賊勢是以降旨令阿思哈帶兵於此兩路內酌定一路前進傳恆卽派滿洲索倫兵二三千名阿思哈到軍營時令伊帶領前進仍派幹練領隊大臣一員協助合精銳官兵在前哨探如不可進阿思哈等斷不可輕進整兵屯紮但作欲攻之勢以爲聲援若賊因我兵由猛密臺鳩兩路夾攻賊眾盡於此處抗拒落卓一路無賊防守阿思哈等卽乘其不備長驅突入直搗賊巢如略有阻滯仍不可輕敵將此傳諭阿思哈於進兵時務須持重相機辦理萬勿貪功輕進朕意不過欲伊等作爲疑兵以分賊勢非責其直抵阿瓦以成功也其或由普洱或由落卓進攻之處著傳恆定議速奏此次勦辦緬匪賴我兵力無藉外夷南掌助順與否無關緊要但恐伊等

與賊逼謀從後抄襲亦不可不豫爲防範著傳恆相度機宜指示阿思哈遵行○裁江甯副都統員缺○癸巳諭軍機大臣等據阿
里亥阿桂奏稱前永瑞五福等疏縱召散伊等並未咨催自甘認罪已將伊等交部議處矣但阿里亥阿桂貽誤之事不止於此此
尙其小者也朕命伊二人前往雲南專爲剿滅緬匪以靖地方伊等自應相度地形賊勢將應辦理之處酌定具奏乃阿里亥諸事
因循阿桂復隨同附和以致諸事均未辦有端緒其意不過住守一二年緬匪不來卽爲地方無事遂可還京前猛卯等處土司所
屬地方有被緬匪搶掠之處傳恆甫至軍營卽經查出具奏而阿里亥等見在軍營於此等事豈竟不知伊等之意以賊匪不過擾
犯極邊之土司見有滿兵屯紮斷不敢侵犯內地然則卽永駐邊疆乎抑尙撤回乎我兵撤後賊復內侵又將何以處之阿里亥阿
桂在京時與傳恆同在軍機今雖在軍營何事不提撕訓誨寄信曉諭此次辦理諸事不妥屢經降旨想傳恆至軍營必傳諭伊等
斷無隱匿不告之理阿里亥等聞知亦當猛省追悔前非卽應將如何同心協力奮勉辦公之處陳奏方合大臣之體乃二人懼若
罔聞不發一言惟聽傳恆調度實爲怪事阿里亥阿桂喪心何至於此直是無用之物亦無容多論緬匪之事究竟應辦與否伊等
能辦與否著明白回奏並傳諭經略傳恆知之○論據傳恆奏違同鄰省辦差人員一摺所奏甚是已於摺內批示並明降諭旨如
所請行矣鄰省道府等官調赴滇省辦差原係阿里亥鄂爾所奏其事本不甚妥協昨曾計及此等人員在滇一時既不能盡得見
缺遇有要辦事件必致呼應不靈而各員本任職守轉不免久曠於公事殊屬無益已傳諭傳恆令其酌量辦理今傳恆尙未接到
前旨卽有此奏與朕所見不約而同非公忠大臣實心體國安能在在留心籌畫恰當如此覽奏實深嘉慰將此傳諭傳恆知之○
傳恆奏接到軍機處詢問解京之緬兵桑璽供內稱從夏禰到阿瓦兩岸俱有江河不能沿江由旱路直達臣等留心體訪如所言
果實進剿時如遇渡河淺則浮渡深則搭橋並撥官兵到處偵探以防伏賊見距進兵尙有數月進剿道路當再確探奏聞得旨自
應如是留心者○乙未諭軍機大臣等前據永瑞等奏安南國莫氏裔孫黃公續率屬投誠一摺會降旨將該夷民暫爲安插並令
軍機大臣擬寫明德移會安南國王文彙一件令行文該國王查明情節咨覆並傳諭傳恆留心體察妥協辦理今據傳恆等奏到
見已行文永瑞將黃公續送赴騰越詢問並擇地安插居住等語所奏甚爲允協已於摺內批示卽此可見傳恆之隨事實心經理
若阿里亥阿桂必置之不問矣至黃公續等窮蹙來歸自應加以撫納卽不合該國王與聞亦無不可但思黃公續等究係安南屬
人而該國王恪守藩服向稱恭順今將此情節明悉傳諭更足昭中朝正大之體於事理尤爲周至所有前次擬有文移自應卽行
就近發往諒該國王不敢稍有異說設或不知分量向內地索取投誠之人則竟當駁飭云爾國不能和輯屬人聽其久居外境致
令窮迫無依今既歸誠內附豈得轉因詢問安思索回殊乖承事天朝之禮且兩國本係藩臣爾之屬人卽與內地編氓無異豈爾
之所得專主如此直斥其非該國自益當畏服於安插夷人一事更爲妥協將此傳諭傳恆等知之○王寅以志信爲左副都御史
○癸卯諭軍機大臣等前據薩爾頓額敏和卓奏稱巴達克山之素勒坦沙遣使來云請赴京入覲並稱愛烏罕之愛哈瑪

特涉於來年協助布拉克之子起兵伊力不能支持請助兵一萬伊等業將素勒坦沙安爲之處痛加駁斥等語奏到時朕曾降旨以素勒坦沙欲請來京不過空談不必阻止伊欲入覲甚善可豐其館致遣赴京師至請兵一事從前素勒坦沙若將布拉克之子執獻何至復來愛烏罕滋事自貽伊戚天朝豈有助兵之理即允其請發兵一萬行李資糧又豈素勒坦沙所能供給宜以此等語剴切曉諭遣回旌額理糧數和卓等宜留心妥爲辦理並令隨時覆奏○甲辰諭各省之滿洲蒙古副將五年俸滿來京引見參將七年俸滿引見著爲令

六月甲寅諭軍機大臣等據經略傅恆等奏稱本年及早進兵雖不必待全軍到齊亦必待二三千得力官兵到時方可前進業經行文各隊大臣及沿途地方督撫令其作速催趨等語案倫兵丁早到誠於事體有益著飛咨直隸總督楊廷璋及河南湖廣貴州雲南各督撫並各起領隊大臣侍衛等將陸續起身之滿洲索倫等兵務設法進行如各站馬匹不敷即通融折價料理惟期盡行無誤並將如何設法料理迅速前往之處卽行奏聞此次進兵傅恆等一切籌畫甚周自應照所奏相機辦理惟摺內奏稱與其由翼鳩取路進發不若就近由疊驛進剿奪取新街渡口賊匪如仍守翼鳩我兵攻克新街斷其路徑遣一旅之師卽可殲滅等語如此進兵雖云近便但翼鳩地方究在我兵後路儻猛拱賊眾與之句通亦甚可虞不可不留心防範諒傅恆等已見及此而摺內未經聲敘故諉及之○丙辰諭錢謙益本一有才無行之人在前明時身躋膺任及本朝定鼎之初率先投順浮列朝卿大節有虧實不足齒於人類朕從前序沈德潛所選國朝詩別裁集曾明斥錢謙益等之罪黜其詩不錄實爲千古立綱常名教之大閑彼時未經見其全集尙以爲其詩自在聽之可也今閱其所著初學集有學集荒誕謬妄其中詆謗本朝之處不一而足夫錢謙益果終爲明臣守死不變卽以筆墨騰謗尙在情理之中而伊旣爲本朝臣僕豈得復以從前狂吠之語刊入集中其意不過欲借此以掩其失節之羞尤爲可鄙可恥錢謙益業已身死骨朽姑免追究但此等書籍悖理犯義豈可聽其流傳必當早爲銷毀著各該督撫等將初學有學二集於所屬書肆及藏書之家諭令繳出彙齊送京至於村塾鄉愚僻處山陬荒谷者並著廣爲出示明切曉諭定限二年之內俾令盡行繳出毋使稍有存留錢謙益籍隸江南其書板必當尙存且別省或有翻刻印售者俱著該督撫等卽將全板儘數查出一併送京勿令留遺片簡朕此旨實爲世道人心起見止欲斥棄其書並非欲查究其事所有各書坊及藏書之家原無干礙各督撫務須詳悉諭知並飭屬員安靜妥辦毋任胥役人等藉端滋擾若士民等因此查辦反以其書爲寶不行舉出百計收藏者則是其人自取罪戾該督撫亦不可姑息若將來犯出惟該督撫是問其京城地面著提督衙門五城順天府一體辦理將此通諭中外知之○諭各省學政舉報優生會同督撫考驗○己未諭前據准應照奏報臺灣賊匪黃教等已就殺獲一摺隨傳諭惟應照將在前之文武員弁勦殺賊匪實在情形逐一查明據實具奏至所稱革職千總萬其堯把總吳化龍等俱能直前殺賊之處被時卽疑提鎮等或因該弁已經褫革輒思乘獲賊之時爲伊等贖罪地步亦不可定並令該督確查今據據應照奏稱臺灣道

蔣允襄覆在臺文武俱係員總捕有守備蒲大經千總聶世奇購得熟識黃教之民人鄭純周寅進山將黃教殺死經文武驗明據回黃芳一犯亦係夥匪蘇彰龍等在山後帶傷擒獲其文武官兵止有堵截圍困之力並無當場殺獲之功至萬其死吳化龍陳元璋等並未親手砍殺擒獲各等語是其僥倖冒功果不出朕所料緣該欺詐一至於此當朕正在整飭之時尙敢貪功罔上冀堪駭異吳必達等統兵剿賊並不實力奮勉剋期竣事已屬咎無可逭乃於奏報獲賊時又爲革弁昌陳功績直是喪盡天良非降留薄懲所可示儆吳必達即著革職令其自備資斧往雲南效力余文儀向爲刑部司官尙能辦事且係文職著從寬革職以刑部員外郎用仍帶革職留任俟十年無過再予開復葉相德見在派往雲南軍營著革職仍留提督之任自備資斧在滇帶領水師以觀後效仍交經略大學士傳恆留心察看如該提督尙不感奮出力卽奏明以軍法從事刑將戴廷棟首先捏飾稟報尤爲此案罪魁著革職發往雲南在水師隊內行走自備資斧效力贖罪如仍前不知悔改卽以軍法從事惟應階前次不加詳覈據稟率報雖有應得處分今既據實覆奏所請交部察議之處著加恩寬免朕於臣工功罪大小輕重悉視其所自取不肯令有絲毫屈抑亦不容其稍涉倖免此卽卅三十四年以來所可自信亦天下臣民所當共信者至於批覽章疏並非豫存逆詐億不信之成見而其中略有情偽自難掩覆所謂物來畢照實亦先覺之出於自然者如此案一經指詢其虛飾之迹果無遁形又如湖南巡撫方世儒查辦傳布謠詞一案竟欲歸之已故之李文有顛預了事及傳諭該撫確切相究則展轉傳寫之犯及知縣陳夢湘隱飾教供諸情節無不水落石出可見虛僞之端實爲天理所不容天理所不容卽不能逃朕之照鑒朕非欲自矜明察而揆情度理自皆歷歷不爽則弄巧罔上者徒自取罪而總不知朕實心愍之所有崔應階各摺及從前廷寄並著發鈔將此諭令中外知之○以孫李倫爲福建按察使由汀漳龍道遷○辛酉諭軍機大臣等據經略傳恆等奏稱詢問木邦綠囊團據稱屬下戶漢足可招集千人請酌賞口糧火藥當奮力殲剿緬匪情詞懇切因曉諭總襄團令其將伊屬下盡數招集赴腊戍擒拿苗溫辦理完竣時各處戶漢必有聞風而至者再招集由落卓一路前進更爲妥協見已曉諭遣回等語緣緬團原係木邦土司爲緬匪殘擾情願將所屬戶漢等招集自效傳恆等卽將擒拿苗溫一事責成辦理甚合機宜卽照所奏酌賞口糧火藥令其前往但不可僅派伊屬下人等仍應添派我兵緝獲圍究係外夷不可深信恐苗溫就縛以擒獲渠酋恃爲己功妄生希冀見在軍營兵數頗多普洱一路並不進兵不過在彼駐紮防守無庸三四千兵卽由普洱兵內派出二千名備相距較遠礙難撥調卽著於軍營兵內抽撥一千派往亦安除派傳顯統領外仍由烏三泰長青五福三人內派一人協同前往再普洱紆遠是以不由此路進兵不過屯兵防守有雅即阿鐵保在彼毋庸另行派人前往卽查拏召散之事亦非急務大兵攻得阿瓦傳檄可得伊將焉往又據奏稱大功告成後派之師查接來卡落卓等處彼時合普洱之兵接應夾攻卽可將零星賊匪剿除淨盡肅清道路所議亦是彼時大功已成僅道路不甚遼遠竟遣阿桂統兵前往將此路接查並順便留心查拏召散將此傳諭經略大學士傳恆等相機酌辦又據奏稱猛拱人等急欲辦賊索倫兵已到數百名

再合見駐之兵數千名先奪取夏鵠渡口此雖相機措置以期及早成功但既得一見成機會仍須堅定熟籌方妥不必過於急切傳恆惟遵前旨諸凡持重妥辦再昨據長卿奏稱貴州提督拜交阿經略傳恆等檄調前往永昌縣即臣節節查傳恆等並未奏聞可傳諭令其查奏○傳恆等奏提督哈國興自野牛壩來騰據稱該處樹木甚多內盡楠夜槐二種尤為適用見在砍伐將及二千株每日督工趕造船隻約於指定數目外更可多造該處氣候甚好兵役並無疾病無不欣喜從事得旨欣慰覽之○乙丑論梁義鴻不宜漕運總督之任傳顯著補授漕運總督伊見在出差著黃登賢前往署理倉場侍郎事務即著梁義鴻署理○諭各省分發舉人需次遲速不齊各就鄰省分撥俾益疏通○戊辰命各省鑄化小錢○己巳倉場侍郎寶麟等奏據都統官保奏稱興平倉水色潮潤遂親赴查驗米色微潮久貯恐致虧缺應於本年內甲米搭放再今年江浙米色俱未純淨因各幫違涉江河未便駁回飭令風喉入倉得旨依議此項廠米潮潤皆由梁義鴻辦理不善所致從前楊錫綬任內並無似此者即有因被災米色不純亦必奏聞今米石既有灰暗潮溼過淮盤驗時梁義鴻因何轉運並不奏聞亦不將該省收兌之官查參或當時尚屬純淨而旗丁等沿途偷換攙雜亦未可定然總因梁義鴻不能實力查察實難辭咎著交部嚴加議處寶麟黃登賢等既經驗明米色微潮溼氣薰蒸即應參奏辦理乃竟率行收倉直至官保查出奏聞尚以各船違涉江河未便按幫駁回為詞亦屬不合寶麟黃登賢並著交部察議尋議上得旨梁義鴻著降三級調用寶麟黃登賢俱著降一級從寬留任○壬申傳恆等奏鑄礮工匠見已熟悉本月初五日製得大礮一位用鋼二千餘斤中安大鐵子一重十六兩羣子十餘各重二兩鑿立木柵約三里外安礮施放礮子直衝木柵復迸散山石入土五六尺若將礮子略放即三千斤重礮亦屬易辦查鑄礮先分節作成泥坯模子臨時將模子對縫埋入土坑然後灌入銅斤開三時礮身可就土坯必俟自乾不可火烘又中間所用鐵桿亦須預造用時將官員兵役分帶銅斤立時鑄化即可成鑄礮身熱退約須二日掘取土坑以及鑽打火門統不過四五日即對敵施放無論水寨城無不應手立破得旨欣慰覽之○乙亥諭據傳恆奏野牛壩地方製造戰船板料檣桿等物七月內俱可完竣將來運至河岸擬營兵與滿洲兵丁更換糧運即跟隨之家奴等亦令分派輪撥一摺所辦甚是他人斷不能似此已於摺內批諭矣滿洲兵騎射素嫻進剿時自宜資給馬力至於習勞之事則與綠營兵丁既同款行開原不應區分彼此向特因綠旗惡習恆怯無能臨事每多退避是以有犯必懲若其服役辛勤當與滿洲兵一體愛惜以均其勞逸前此領兵大臣惟知體恤滿洲而於奔走服役專派綠營不復念其勞動豈一視同仁之道今傳恆於運送船料令滿洲兵輪流乘騎分擔不使綠旗偏於勞弊並以大臣官員跟隨之家奴等皆乘馬安行於理未協亦一例分派輪撥籌辦實為公當綠營兵丁稍具天良有不知感激奮勉願為國家出力者乎此實從來所未善及自非公忠體國與朕同心之大臣豈能酌理揆情均平安協若此凡有領兵之責者皆當奉以為法傳恆如此存心必蒙上天所垂佑迅奏膚功自可豫卜朕心深為嘉悅至於造船一事水陸並進為征緬最要機宜乃朕屢次詢問而阿里夜鄂甯阿桂等並以該處崖險澗窄斷難行船為辭

卽朕今年特派傅顯烏三泰前往專辦此事亦以沿江一帶實無造船處所覆奏及傳伍既至永昌卽遣人往勘則於銅壁關外野牛壩地方卽得可以成造船隻之處樹木既足供船料且氣候涼爽可以屯聚兵匠而野人又極恭順服勞無異內地編氓同此沿邊地壤非自今日始通何以前此竟無一人見及而傳伍得之竟爾便於取攜可見事無難易人果專心致力未有不成者無如諸人皆懷存畏難之見於胸中遂以爲隔閡不可行以傳伍今日所辦觀之向所謂斷難籌辦者然乎不然乎傳伍摺著譯漢發鈔並將此宣諭中外知之○傳伍等奏據差往老官屯偵探之霍夷全禰稟稱由虎踞關至老官屯並無細匪阻惟老官屯江邊離去年舊棚三四里又立一棚共計三層內用輓砌中間排立大木外層加築土牆周遭挖濠寬二丈深如之前開一門搭有平橋後門通江四隅築有礮臺高與棚等棚內有賊四百餘江內有空船二十餘隻夜間敲梆鳴鑼防範甚嚴等語查老官屯爲水路扼要賊揣我兵必仍照上次專由旱塔進攻故防範倍密今擬攻其不備臨時先遣兵一支由新街渡江擣其西岸之棚此是勝著又奏並令礮臺船隻順流而下奪其江內賊船或潛分輕兵一隊繞過老官屯木棚在下游斷其歸路使賊人知阿瓦之船不能往來自驚惶思竄雖堅柵可不攻而破得旨爾等所請大礮亦足攻破矣○定參處州縣並議處等巡各道例○以富察善塘古泰俱爲內閣學士富察善塘由內閣侍讀學士善古泰由給事中選○戊寅湖北黃梅縣江堤決命吳達善揆義勘之庚辰論諸王等遇齋戒日期俱在紫禁城內住宿

乾隆東華續錄七十

秋七月丁亥諭軍機大臣等據傅恆等奏請將明德暫留雲南協同阿思哈辦理軍務所奏甚是明德係辦理軍需熟手前已傳諭令其俟阿思哈帶兵前進仍令明德著理督家留永昌照料策應矣見據阿思哈奏報已於六月二十六日起程計八月望前卽可至永昌接受總督印務河南巡撫亦屬緊要吳嗣爵以總河兼署恐屬員等未免觀望因循喀爾阿善仍遵前旨俟阿思哈到滇卽將撫篆交明德署理速赴河南新任見在傅恆奏於七月二十日起程赴野牛壩等處督辦一切今索倫吉林等處官兵次第到滇福建水師七月內亦可抵軍營約計八月中卽當合兵進剿彼時銅壁關外一帶必須大員駐兵接應著阿思哈於新街舊臺旱塔適中扼要之地帶兵駐守籌辦前後策應機宜其總督印務交明德署理明德卽當移駐騰越經理一應軍務彰寶見在起程計其時亦可到永昌接受撫篆任事如此則內外聲勢更覺聯絡於進剿諸事更爲有益阿思哈明德彰寶俱係國家大臣同辦軍旅重務總宜合力齊心不分畛域將此一併傳諭傅恆等知之○昭善以屬員疏脫重犯不行詳揭革職以姚成烈爲安徽按察使姚成烈○戊子 上奉 皇太后懿旨秋獮木蘭○免經過地方本年額賦十分之三○辛卯諭軍機大臣等傅恆奏據線官猛來騰越稟稱老官屯賊日諾爾塔經賊匪情駁調回阿瓦城約止留兵五百把守將夏鳩之賊眾由水路全行撤回又奏稱有猛密土司遣人來稟請願內附等語此係最好機會夷人性愚多疑伊等地方又與緬賊毗連若我兵少無進剿之意自不無觀望或揚言內附